

Headline	PATUHI SEMUA SYARAT		
MediaTitle	Harian Metro	Language	Malay
Date	16 Feb 2024	Readership	338,115
Circulation	112,705	Page No	26
Section	Bisnes	Journalist	N/A
ArticleSize	404 cm ²		
PR Value	RM 47,745		



Bisnes

PATUHI SEMUA SYARAT

Kuala Lumpur

Pengusaha industri pengecasan kendaraan elektrik (EV) perlu memastikan semua syarat pelesenian daripada Suruhanjaya Tenaga dan Pihak Berkuasa Tempatan (PBT) termasuk ketetapan Jabatan Bomba dan Penyelamat Malaysia dipatuhi.

Timbalan Perdana Menteri, Datuk Seri Fadillah Yusof berkata, agensi kerajaan terbabit diarahkan menyelaras dan memudah cara peraturan berkaitan termasuk berkaitan hal pelesenian bagi memastikan pembangunan serta pengoperasian stesen pengecasan EV di seluruh negara berjalan dengan lancar.

"Kerajaan mengambil maklum cabaran semasa dihadapi pihak penyedia perkhidmatan pengecasan EV dan saya mengarahkan agensi berkaitan menyelaras dan memudah cara.

"Ini membantu menyokong pembangunan ekosistem EV secara holistik, tanpa menjaskan aspek

Semua agensi berkaitan diminta mudah cara pembangunan stesen EV di seluruh negara

keselamatan," katanya dalam kenyataan, semalam.

Kenyataan menerusi Kementerian Pelaburan, Perdagangan dan Industri (Miti) dikeluarkan selepas Mesyuarat Jawatankuasa EV Kebangsaan (NEVSC) pertama bagi 2024 yang jumlah kali dipengerusikan Fadillah yang juga Menteri Peralihan Tenaga dan Transformasi Air (Peta).

Antara perkara dibincang dalam NEVSC berkaitan usaha menambah baik prosedur dan pelesenian stesen pengecasan EV.

Menurut kenyataan itu, bagi menambah bilangan stesen pengecasan EV di lebuh raya, PLUS dengan kerjasama Lembaga Lebuhraya Malaysia (LLM) bersatuju memudah cara proses membangunkan stesen

pengecas di sepanjang lebuh raya Plus.

Ia termasuk mengenal pasti lokasi strategik di Kawasan Rehat dan Rawat (R&R) dan Hentian Sebelah di lebuh raya Plus.

"Selain itu, kerajaan meminta pembekalan kuasa elektrik di lokasi pembangunan pengecasan EV diluluskan di R&R sentiasa mencukupi dan pembangunan substesen baharu disegerakan di lokasi diperlukan," kata Miti.

Mesyuarat dimaklumkan Tenaga Nasional Bhd (TNB) bahawa syarikat utiliti nasional itu meneliti kaedah penyumberan bekalan tenaga dan penggunaan tenaga mengikut waktu untuk menggalakkan aktiviti pengecasan

EV menggunakan sumber tenaga boleh di-

perbaharui (RE).

Sementara itu, Menteri Miti, Tengku Datuk Seri Zafrul Tengku Abdul Aziz berkata, selain aktiviti pengecasan EV menggunakan sumber tenaga boleh diperbaharui, kerajaan menyambut baik cadangan untuk menggalakkan model perniagaan baharu bagi mengoptimumkan pengecasan EV pada waktunya penggunaan grid rendah.

"Mesyuarat dimaklumkan bahawa Northport (Malaysia) Bhd membangkitkan isu berkaitan risiko keselamatan EV semasa pengendalian dalam aspek logistik.

"Oleh itu, mesyuarat ber-setuju garis panduan amalan baik berkenaan tata-cara pengendalian EV semasa urusan logistik disediakan dalam tempoh enam bulan sebagai rujukan industri," katanya.

PLUS, LLM sedia kenal pasti lokasi strategik stesen EV di R&R, Hentian Sebelah